

Usuarionan di Biblioteca Nacional San Nicolas a sera conoci cu servicio di Internet



ORANJESTAD(AAN) -- Recientemente na Biblioteca Nacional San Nicolas a inicia cu e servicio di Internet cu ta destina pa tur miembro y usuarionan gratuitamente. Danki na e colaboracion di Setar, cu a haci e donacion aki na Biblioteca Nacional

Aruba. Gerencia di Biblioteca Nacional San Nicolas ta pidi encarecidamente tur instancia interesa pa yama na tempo y haci nan reservacion pa uso di e servicio di Internet. Por yama na 843939 of 845277

Renchi di turista a desaparece

ORANJESTAD (AAN): Un turista a denuncia ladronia di su renchi diamante. Segun W.A.G. procedente di Merca, el a bay snorkel y ora cu el a regresa den su camber el a constata cu su renchi a somenta. E renchi segun su version el a laga riba un

mesita.

Segun el a sigui declara, cu e unico persona cu lo a drenta su camber ta e personal di house keeping. Pa colmo segun investigacion e persona no a presenta na trabao. E renchi tin un balor di 800 Dollar y ta di 14 kt.

M.A.T. ta molestia A.P.

ORANJESTAD (AAN): Presencia di Polis a worde solicitada na Watapana Village. Aki e señora di inicial M.A.T. a declara cu desde mainta trempa e ta worde molestia pa e homber A.P.

Segun e denunciante cu AP lo no ta bon di cabez, como cu AP ta grita manera alma perdi den su cabez. Polis a avisa e señora, cu na momento cu AP regresa, pa notifica nan mesora.

Muher burachi kier a destrui tur cos na Casa Cuna

ORANJESTAD (AAN): Un muher a causa panico na Casa Cuna den oranan di atardi. Polis mester a bay cu poco urgencia pa atende e caso aki mesora.

Parce cu e señora di inicial D.K. tabata bao di influencia y pa un of otro motibo el a acudi na Casa Cuna. D.K. a bay asina leu, cu na dado momento kier bringa hasta cu e personal.

E señora aparentemente den su razia a destrui y kibra candal y cu un pida cadena porcierto basta pisa, e kier a pluma auto di e empleadonan.

Polis mientras tanto a presenta na e lugar indica pero no a logra haya D.K. mas na e lugar. Durante un buskeda den vecindario Polis a topa D.K. el a desmenti e acusacion, debi cu e tabata tin bebida den curpa pa su seguridad y pa otro Polis a transporte pa Warda di Polis. Comandante a tumar e decision pa laga encarcele pa saca su wayaba.



PLATINUM BINGO

PA TUR NOS PLATINUM MEMBERS

SOLAMENTE MUESTRA BO PLATINUM CARD PA ASINA PARTICIPA DEN BINGO

5,000

FLORIN

Den 50 yamada

3,000

FLORIN

Den 52 yamada

tin posibilidad pa cumpra ticket
cu cada compra di 2 tickets (4 kaarchi di Bingo)
hanja automaticamente un ticket pa participa den
un rifa di **\$300**

**BEBIDA & SNACK
GRATIS**



WYNDHAM ARUBA

BEACH RESORT & CASINO